

www.BibleForChildren.org




Mphattuwelo 6




Nnya phi cookhumelela co'nethi
wa Nowee. Nowee aari ntthu
mayasariya, ookhweli na atthu
o yooyo ukati uyo. Uyo eetta
ni Nluku. Woonnyawe wiira ilapo
ihotankanyaa, kontha atthu
othene omwiilaponi

ahohapuwa
malamulo aka.



Nluku ahomwiirela Nowee:
Kinawamalamaliha atthu othene,
kontha ilapo yothene ihocara coonanara
cimpankaya. Phimaana mi
kinawakwanyulaca ni ilapo eyo.




Nanso we, upanke ikalawa yo' thaapwa
co mpila. Ukawanihace, cikhale ikatti
mwittayi mwaya ni uttiyace ni nimula
nhina ni vate.



Mwittayi mwaya ulike
imaara iminya ttharu,
mwiikhuvi mwaya
imaara hansini
(50) ni
yeemelelo


aya imaara
talathini (30).




Vano we, ukuse coolya
cothene cinliya ni
wiisunkere, cinhala ukhala
coolya cawaa ni coolya
co'nama.




Ni cothene cimmumula co khula ikhapila yo'nama, yo
nlopwana ni yo nthiyana unlamuliya ukelana nkalawani
mmo piili piili, wiira usunke ukumi aya ni we.




Ukuse inama saapa co nlopwana ni inama saapa co
nthiyana co khula ikhapila cinari co'halali.
Nanso ciri co'haramu nnyo, ukuse piili piili
co nlopwana ni co nthiyana.






Nowee, na asaanawe,
na amwaarawe, na
asaaraya asaanawe ayo,
yahokelaca nkalawani, mwa
nlattu wo maasi o naphuvu.



A simple line drawing of a building's side wall. The wall is composed of several parallel horizontal lines. A rectangular window with horizontal bars is positioned on the wall. The drawing is minimalist, using only black outlines on a white background.

Ukati waarinawe Nowee
myakha iminya siita cookumi awe,
weettelaya mweeri wonayeeli,
waaphiyeraya mahuku khumi na saapa o
mweeri, nenno nihuku nno, cahottinwa miliwi
co maasi, ni mikhora cothene co wirimu
cahohulya, . . .






... ni yahorupa ipula mwiilaponi
mothene, mahuku arupayini (40),
uhiyu ni uthana.




Vano maasi ale yahocara venci
cinene mwiilaponi mothene, nanso
ikalawa iyo yaamphempa waculu
maasi.



Vano maasi ayo yanatepa wuncereryana mwiilaponi,
mpaka myaako coorekama cothene caari vathi waya
irimu cahomiriya ni maasi. Cothene caarina ukumi,
cimumulaka mphulani mwaya, caakhala vathi va,
cahokhwa.




Vano, Nluku ahomuupuwela Nowee
wamoca ni inama cothene co ntakhwani
ni coohuwiya caarinawe nkalawani, ni
ahowaana iphyoo yuulupale mwiilaponi
ni maasi yahopacera uwukuwa.






Anavinre mahuku
arupayini (40), Nowee
ahohula icanela
yaapankilyawe nkalawani.
Wahoolo ahotthukulela
ikhuntta wiira oone yakhala
wiira maasi ayo
yahowukuwa
mwiilaponi.




Khweli, nihuku nonasirini na saapa (27) no mweeri
wonayeeli, itthaya yahomalela wuuma. Vano Nluku
ahomwiirela Nowee: Ukhume nkalawani
mmo, we na amwaaraa, wamoca
na asaanaa ni
asaaraya asaanaa ayo.



Wahoolo Nowee ahopanka ikhilompi yoonlapelela
Mwanene Nluku,
ni ahokusa inama
cikina ni asaanuni
o'halali,
ni ahaaveleelihera
isataka yoopahiya.





Nluku
ahopwaherera
wuulumaca eeraka:
Ila phi ikanyero yo
nleehano naka
ninoopankelakani, ukhuma
nyu mpaka citthu cothene

cirinenyu, cirina ukumi,
mpaka maloko othene
ohoolo. Nikhwii naka
kiheesa mmahutteni.
Ninkookhala ikanyero yo
nleehano naka ni ilapo.





Ukati unkelaka
uwaana mahutte
mwiilaponi ni
nawaaka nikhwii,
vano mi
kinkowuupuwela nleehano
naka ni nyu wamoca ni citthu


cothene cirina ukumi
co khula nnanna. Maasi
khanhala tho ucara
mwiilaponi wiira yiivakace
citthu cirina ukumi.



Nluku ahonreriha
Nowee na asaanawe amwiirelaka
coo: Nnyaranace, muncereryane
ni ncarace mwiilaponi.



Vano asaana a Nowee
yaakhumile nkalawani yaari:
Seemu, Kani, ni Yafeti. Kani phiri
athumwanaya Kanaa. Ala phaari
asaana araru a Nowee. Ukhuma
mwa yaayo, ilapo yothene
yahokhaliya na atthu.



Kontha Nluku hofenta ittuninya
mpaka wanvaherenryawe mwanawe
mmoca yooyo, wiira ule nohala
unkupali hirimele nanso
aphwanye ukumi
woohimala.



Aroma 3:23

Kontha othene ahokosa ni ari uttayi ni waarya wa Nluku,

Aroma 6:23

Kontha ncahara wo'tampi uri ukhwa, nanso ivahiya ya Nluku uri ukumi woohimala, mwa Apwiy'ehu Yesu Kristu.

Annaheperi 9:27

Toko commo, caalikeleliyawe ntthu ukhwa ikwaha imoca paahi, wahoolo puhukhumwinyaka,



Annefesu 2:8,9

Kontha nyu moopoliye wo nnema, mwa nlattu wookupali winyu, ni khannakhala phi nyu nkhumanne, iyo iri ivahiya ya Nluku. Khawanakhala wo miteko cinyu, wiira hikhale nohala wiittottopa.

Aroma 10:9,10

Walaphululaka ni malaku aa wiira Yesu ph' Apwiya, ni wanrimani waa ukupaliki wiira Nluku homunweleliha mwa atthu ookhwa, unawoopwa. Maana, ntthu nokupali ni nrima awe naaphwanya isariya, ni ntthu nolaphulula ni malaku awe nawoopwa.



Yohani 3:16,17

Kontha Nluku hofenta ittuninya mpaka wanvaherenryawe mwanawe mmoca yooyo, wiira ule nohala unkupali hirimele nanso aphwanye ukumi woohimala. Maana Nluku honruma mwanawe wattuniyani, kahi wiira ahukhumule ittuninya, nanso wiira ittuninya yoopoliye ni uyo.

1 Yohani 5:11-13

Usaahiti uyo ph'ula, wiira Nluku honivaha ukumi woohimala, ni ula ukumi ula uri mwa Mwanawe. Ntthu rina Mwana a Nluku haana ukumi; ule hirina Mwana a Nluku kharina ukumi. Nnya citthu nnya kiwantikhenleni wiira ncuwele wiira nhaana ukumi woohimala ni wiira nkupali ncina na Mwana a Nluku.



Mphattuwelo 6 - 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Makhuwa-Meetto Bible (mgh) © 2021, Wycliffe Bible
Translators, Inc. All rights reserved.

www.bible.com/bible/2761/MAT.1

©2025 Bible for Children, Inc.

www.M1914.org

www.bibleforchildren.org

